

2022 წელი, №4 \* მესტიის მუნიციპალიტეტის მერიის საინფორმაციო გამოცემა

## სოფელ ჟაბეშში 900 მეტრიანი ახის მშენებლობა მიმდინარეობს



მესტიის მუნიციპალიტეტის მულახის ადმინისტრაციულ ერთეულში, სტიქიის შედეგად დაზიანებული ინფრასტრუქტურის სარეაბილიტაციო სამუშაოები ყოველდღიურ რეჟიმში აქტიურად მიმდინარეობს.

პროექტის ფარგლებში ხორ-

ცივდება სოფელ ჟაბეშის 900 მეტრიანი არხის არმირება და ბეტონის სამუშაოები. სამივე ხილზე დადგმულია მალა და დანყებულია მათი მოპირკეთება.

პროექტის ფარგლებში მოენყო ნაპირსამაგრი კედლები და საჭიროებიდან გამომდინარე დამატებითი ქვის კედლის გაბიონები. ამ ეტაპზე დასრულებულია შიდა სასოფლო გზების მოშანდაკება. ასევე ეტაპობრივად მიმდინარეობს სტიქიის შედეგად დაზარალებული მოსახლეობის-



თვის ქვის ღობეების აღდგენა.

სამშენებლო სამუშაოებს მესტიის მუნიციპალიტეტის მერიის მიერ გამოცხადებულ ელექტრონულ ტენდერში (NAT210016511) გამარჯვებული კომპანია, შპს „ფარაონი“ ახორციელებს. პროექტის სახელშეკრულებო ღირებულება შეადგენს 4 949 954 მლნ ლარს.

პროექტი საქართველოს მთავრობის 2022 წლის 26 იანვრის N 131 განკარგულებით სტიქიის შედეგების სალიკვიდაციო ღონისძი-



ებების განხორციელებისთვის გამოყოფილი თანხებით და მესტიის მუნიციპალიტეტის ბიუჯეტით ფინანსდება.

ხელშეკრულებით გათვალისწინებული ძირითადი სამუშაოები წლის ბოლოსთვის დასრულდება.

შეგახსენებთ, რომ 2021 წლის აპრილის თვეში სოფელ ჟაბეშში მოხდა ფართომასშტაბიანი სტიქია, რის შედეგადაც განადგურდა საგზაო ინფრასტრუქტურა და კერძო საკუთრება.

## ბეჩოს, ცატანისა და ლენჯერის ადმინისტრაციულ ერთეულებში ელექტრომომარაგების ახალი სისტემის მოწყობა მიმდინარეობს



მესტიის მუნიციპალიტეტის ლენჯერის, ლატალის და ბეჩოს ტერიტორიულ ერთეულებში, და ეცერის ტერიტორიულ ერთეულის სოფ. ჰეხუთის ელექტრომომარაგებისათვის 10 კვ-ეგხ-ის მშენებლობის სამუშაოების შესყიდვა განხორციელდა. პროექტის ხელშეკრულების სავარაუდო ღირებულებაა 665 137 (ექვსას სამოცდახუთათას ას ოცდაჩვიდმეტი) ლარი.

პროექტი ფინანსდება სოფლის მხარდაჭე-

რის პროგრამით გამოყოფილი თანხების გაერთიანებით მოცემულ სოფლებზე - (326 921 ლ.) და ადგილობრივი ბიუჯეტიდან-338 216 ლარით.

სამუშაოებს შპს „მოდენ ენერჯი გრუპი“ ახორციელებს.

კომპანიის ხელმძღვანელის ინფორმაციით ამ ეტაპზე შესრულებულია სამუშაოების 90%. პროექტი მიმდინარე წლის ნოემბრის თვეში დასრულდება.

პროექტის განხორციელებით აღნიშნულ სოფლებში წლების განმავლობაში არსებული შუქთან დაკავშირებული პრობლემები აღმოიფხვრება.



# იაპონიის ელჩის ვიზიტი მესტიის მუნიციპალიტეტში



საქართველო-იაპონიის შორის დიპლომატიური ურთიერთობების 30 წლისთავზე, 11 აგვისტოს, მაშინ როდესაც იაპონიაში მთის დღე აღინიშნება, იაპონიის ელჩი, იმამურა აკირა მესტიის მუნიციპალიტეტს ეწვია.



იაპონიის ელჩი მესტიის მუნიციპალიტეტის მერს, კაპიტონ ჟორჟოლიანს შეხვდა. შეხვედრაზე მუნიციპალიტეტის მერმა ელჩს მუნიციპალიტეტის შესაძლებლობები და არსებული გამოწვევები გააცნო. მხარეებმა სევე ისაუბრეს იაპონიის საელჩოს მხარდაჭერით მესტიის მუნიციპალიტეტში განხორციელებული პროექტების და სამომავლო გეგმების შესახებ.

კავკასიონის ულამაზესი მთებით შემოსაზღვრულ ადგილას, მან ხაზი გაუსვა მთის საკვანძო როლს ჩვენი პლანეტის გადარჩენისათვის აუცილებელი ეკოსისტემისა და მომსახურების შექმნაში.

ვიზიტის ფარგლებში, ელჩი მესტიის მერთან ერთად ეწვია უშგულს, რომელმაც თავისი ისტორიით, კულტურული თავისებურებებით, უნიკალური არქიტექტურითა და ულამაზესი ბუნებით უდიდესი მონონება დაიმსახურა.

ვიზიტის მნიშვნელოვანი ნაწილი იყო ქართველი ალპინისტის, მიხეილ ხერგიანის სახელობის სახლ-მუზეუმისა და სვანეთის ისტორიისა და ეთნოგრაფიის მუზეუმის მონახულება, რომლის სიამაყეა ეთნოგრაფიული ექსპონატები, შუა საუკუნეების ხელნაწერებისა და ხატების კოლექცია. ვიზიტის განმავლობაში ელჩი გაეცნო სვანურ სამზარეულოს და ადგილობრივ ფოლკლორს.

ელჩმა, ასევე მოინახულა იაპონიის საერთაშორისო თანამშრომლობის სააგენტოს (JICA) მინი გრანტების ფარგლებში დაფინანსებული ფოტო-გამოფენა, რომელიც ასახავს საქართველოს სხვადასხვა მთის კურორტს. გამოფენა ტარდება საქართველოს ეკონომიკისა და მდგრადი განვითარების სამინისტროს შპს „ემ თი ეის“ მიერ.



ვიზიტის ბოლო და გამორჩეული ნაწილი იყო კახა ფალიანის სახელობის სარეაბილიტაციო ცენტრში სტუმრობა, რომელიც 2019 წელს იაპონიის მთავრობის ფინანსური მხარდაჭერით შეიქმნა. ეს არის პირველი სარეაბილიტაციო ცენტრი მუნიციპალიტეტში, რომელიც მნიშვნელოვან სერვისებს აწვდის 100-მდე შშმ პირს.



## მესტიის რეგიონულ ლაბორატორიაში ახალი კვლევის მეთოდების დანერგვა მიმდინარეობს



9 აგვისტოს, სოფლის მეურნეობის სახელმწიფო ლაბორატორიის მესტიის ლაბორატორიაში გამართულ სამუშაო შეხვედრას გარემოს დაცვისა და სოფლის მეურნეობის მინისტრის მოადგილე, სოლომონ პავლიაშვილი, მესტიის მერი, კაპიტონ ჟორჟოლიანი და სოფლის მეურნეობის სახელმწიფო ლაბორატორიის დირექტორი, ირაკლი გულედანი ესწრებოდნენ.

შეხვედრის მონაწილეებმა ლაბორატორიაში დანერგილი კვლევის მეთოდები და სამომავლო გეგმები განიხილეს.

„სოფლის მეურნეობის სახელმწიფო ლაბორატორიის ძლიერი ქსელი მოსახლეობას საშუალებას აძლევს, ადგილზე მიიღონ საერთაშორისო დონის კვლევებით მომსახურება როგორც სურსათის უვნებლობის, ისე ვეტერინარიის

მიმართულებით. გარემოს დაცვისა და სოფლის მეურნეობის სამინისტროს სოფლის მეურნეობის სახელმწიფო ლაბორატორია აქტიურად მუშაობს რეგიონულ ლაბორატორიებში საერთაშორისო სტანდარტის კვლევების დანერგვის მიმართულებით“, - განაცხადა სოლომონ პავლიაშვილმა.

მესტიის მერის განცხადებით, მსგავსი საერთაშორისო დონის ლაბორატორიის არსებობა განსაკუთრებით მნიშვნელოვანია რეგიონის ეკონომიკური განვითარებისთვის.

მესტიის ლაბორატორიაში გამართულ შეხვედრას სურსათის ეროვნული სააგენტოს და სოფლის განვითარების სააგენტოს სამეგრელო-ზემო სვანეთის რეგიონული სამმართველოების და მესტიის ლაბორატორიის წარმომადგენლები ესწრებოდნენ.



## კომპიუტერული გადამამუშავების

მესტიის მუნიციპალიტეტის მერია, ა. (ა.) ი. კ. „მესტიის საავადმყოფო ამბულატორიულ გაერთიანებას“, ადმინისტრაციული პროცესის გაუმჯობესების მიზნით, პერსონალური კომპიუტერები და პრინტერი გადასცა.

## საინფორმაციო უზენაესი მინის სისტემური რეგისტრაციის პროგრამის ფარგლებში

საჯარო რეესტრის ეროვნული სააგენტოს წარმომადგენლებმა, მინის სისტემური რეგისტრაციის რეფორმის ფარგლებში, დაბა მესტიაში საინფორმაციო შეხვედრა გამართეს.

მინის სისტემური რეგისტრაციის მიმდინარე და დაგეგმილ აქტივობებს 2022-2024 წლებში საჯარო რეესტრის ეროვნული სააგენტო მინის ნაკ-

მინის სისტემური რეგისტრაცია მთელი საქართველოს მასშტაბით, ქვეყნის 59 მუნიციპალიტეტში (გარდა თვითმმართველი ქალაქებისა და ოკუპირებული ტერიტორიებისა) ხორციელდება.



მესტიის მუნიციპალიტეტის მერი, საკრებულოს თავმჯდომარე და მუნიციპალიტეტის ადმინისტრაციული ერთეულების რწმუნებულები გაეცნენ.

ვეთებს გეგმა-გრაფიკის მიხედვით აზომავს და კერძო, სახელმწიფო ან მუნიციპალურ საკუთრებაში დაარეგისტრირებს.



საჯარო რეესტრის ეროვნული სააგენტოს თავმჯდომარის მოადგილემ, დავით დევიძემ და საჯარო რეესტრის წარმომადგენლებმა შეხვედრაზე სოფლებისა და დაბების დამისამართების რეფორმის აქტუალური საკითხები განიხილეს.

კონკრეტულ ადმინისტრაციულ ერთეულებში საკადასტრო აგეგმვით/აზომვითი სამუშაოების დაწყების განრიგის გაცნობა შესაძლებელია შემდეგ ბმულზე: [slr.napr.gov.ge/schedu](http://slr.napr.gov.ge/schedu) მინის სისტემური რეგისტრაცია უფასოა.

# მესტიის საერთაშორისო მოკლემეტრაჟიანი და მთის ფილმების ფესტივალი



მესტიის კულტურისა და ხელოვნების ცენტრი, 17 - 21 აგვისტოს, მესტიის საერთაშორისო მოკლემეტრაჟიანი და მთის ფილმების ფესტივალს (Mestia International Short & Mountain Film Festival) მასპინძლობდა.

ფესტივალის მისაღებების საზეიმო მიღება 17 აგვისტოს, მესტიის კულტურის და ხელოვნების ცენტრში გაიმართა. ცენტრის გარე სცენაზე წარსდგა მესტიის ფოლკლორული ანსამბლი „რიჰო“ სვანური ტრადიციული ფოლკლორით.

ფესტივალის მისაღებები სიტყვით გახსნეს ფესტივალის დირექტორმა, ხათუნა ხუნდაძემ და მესტიის კულტურისა და ხელოვნების ცენტრის დირექტორმა, გეგე ფლანანმა. დამსწრე საზოგადოებას ფესტივალის სპონსორები და მხარდამჭერები გადაცნეს, ასევე ისაუბრეს ფესტივალის სიმბოლური დატვირთვის პრიზებზე.

ფესტივალის გახსნა რაინოდ და საიმონ მესნერების ფილმით „არავის მინა“ (ქვეყანა: იტალია), რომელიც ასევე გახლდათ მთის თემატიკის საკონკურსო ფილმი.

წელს, მესტიის საერთაშორისო მოკლემეტრაჟიანი და მთის ფილმების მეორე ფესტივალის საერთაშორისო ჟიურის წევრები გახლდნენ:

- ბარბარა გასერი, ჰოლანდიის უცხოური პრესის წევრი;
- ერეკ შნიდი - ამერიკული კინოს მემონტაჟი და ასოციაციის წევრი (AEC editor)
- სანტინო სემპრეტი - რეჟისორი, სცენარისტი;
- ვიქტორია იაკუბოვიჩი - კინორეჟისორი და მწერალი;
- ლილი ხურთი - აფხაზეთიდან დევნილი კონსტანტინე გამსახურდიას სახელობის ფესტივალის თითოეული დღე

სოხუმის სახელმწიფო დრამატული თეატრის ოსური ნარმოშობის ქართულენოვანი მსახიობი.

ფესტივალის მეორე დღეს, გასვლითი ღონისძიება ჭალადაში ჩატარდა, რომელიც მესტიის ერთ-ერთი ყველაზე პოპულარული ტურისტული ადგილია და გარდა ჭალადის მყინვარის სანახობისა,



გამორჩევა ბუნებრივი საცოცი კლდეებით.

ფესტივალის პროგრამის ფარგლებში, უშბის შთამბეჭდავი ხედვების ფონზე, ცნობილი მთავრულმა, ადგილობრივმა მკვიდრმა, აფი გიგანმა, უშბის მწვერვალის და ჭალადის ბუნებრივი საცოცი კლდეების მოკლე მიმოხილვა გააკეთა.

სპეციალურად, ფესტივალის მონვეული სტუმრებისთვის, ადგილობრივმა მეკლდეურებმა, ნარმან ჯაფარიძემ, ავთო ჯაფარიძემ, მარიანა იოსელიანმა, ნიკა იოსელიანმა, ფატი იოსელიანმა, პატარა მეკლდეურებმა, ირინე რატიანმა და ელენე ხერგიანმა ფესტივალის სტუმრებისთვის კლდეზე ცოცხლი საჩვენებელი ასულები განაზოგადეს.

კლდეზე ცოცხლა შესაბამისი დაცვით შექმნილი ნებისმიერ მოხალისს - ფესტივალის სტუმრებთან ერთად ბუნებრივ კლდეზე, ჟიურის ერთ-ერთი წევრი, ბარბარა გასერიც აცოცდა.

ბუნებაში პიკნიკის შემდეგ, პოლივუდის უცხოური პრესის ასოციაციის წევრის, ბარბარა გასერის მასტერკლასი ჩატარდა - „ოქროს გლობუსის დაჯილდოება, მრავალფეროვნება, ცვლილებები და სირთულე გლობალურ სამყაროში“. ღია ცის ქვეშ - ჭალადის ბუნებაში, არაერთი ჟურნალისტური ჯილდოს მფლობელმა, საერთაშორისო კინოდაჯილდოების სხვადასხვა ასპექტზე ისაუბრა.

გამორჩეული გახლდათ მსოფლიო ღონის მასტერკლასებით: 19 აგვისტოს, კინონიდუსტრიაში დღესდღეისობით ერთ-ერთმა გამორჩეულმა, მრავალი ჯილდოს მფლობელმა მემონტაჟემ, ერეკ შნიდმა ჩატარა მასტერკლასი კინომონტაჟის შესახებ - „პირველი სცენა“, რომლისადაც მსმენელს წარუშლელი შთაბეჭდილება დაუტოვა.

ერეკ შნიდი თანამშრომლობდა ისეთ კინორეჟისორებთან, როგორებიც არიან: სალი პოტერი, ლარს ფონ ტრიერი, მაიკ ფიცი, რეჟის ვარგნი, ბილ ავგუსტი, ჟან-ფრანსუა რიე,



ჟან-ჟაკ ანოდი, ფოლკერ შლოენდორფი. მისი ერთ-ერთი პირველი აღიარება გახლდათ, დანიური კინოაკადემიის ჯილდო, კინორეჟისორის ლარს ფონ ტრიერის კანის პრიზორი სურათის - „Europa“ მონტაჟისთვის. მისი შემოქმედება მოიცავს, როგორც პოლიფუნქციურ ბლოკსტრუქტურებს, ასევე ევროპულ საავტორო კინოს. ბოლო 20 წელია თანამშრომლობს მსოფლიოში ცნობილ კინორეჟისორთან ჟან-პიერ ჟუენესთან, რომლის ფილმებიც თანამედროვე ფრანგული კინოს პიტაქსტრად იქცა.

ფესტივალის მეოთხე დღეს, სტუმრებისთვის მასტერკლასი ჩატარდა ფილმდირექტორებთან - „კასკადორობის ხელოვნება/არაფერია შეუძლებელი“.

ჟილდარბეკ კურგუნოვიჩი და მსწრე საზოგადოებას გაუზიარა მისი განვლილი ცხოვრების შესახებ, თუ როგორ აყალიბებდა და წერტილდა თავის გუნდს მსოფლიო ასპარეზზე გასასვლელად. ისაუბრა გუნდის ისტორიასა და სხვადასხვა გადასაღები მოედნის გამოცდილებების შესახებ. ასევე მსმენელს მოუთხოვრა, პოლივუდის ვარსკვლავებთან მუშაობის თავისებურებებზე. დასასრულს კი მსოფლიოში ცნობილი საერთაშორისო ჯგუფის „NOMAD STUNTS“ განვითარების გზებსა და სამომავლო გეგმებს შეეხო.

ფესტივალის ერთ-ერთი ნაწი-

ლი გახლდათ სვანური ტრადიციული მარილის მასტერკლასი - „ჯიმ შვანხანი“. ეს არის ოქროს პალმის რტოს მფლობელი ქართველი რეჟისორის, მიხეილ კალატოზოვის (კალატოზიშვილის) ქართული მთის თემატიკის დოკუმენტური ფილმის - „ჯიმ შვანთე“ - შთაგონებით ორგანიზებული მასტერკლასი, სახელწოდებით „ჯიმ შვანხანი“, რომლის საშუალებითაც ფესტივალის სტუმრებმა გაიცნეს ტრადიციული სვანური მარილის შექმნის საიდუმლო.

ფესტივალის ფარგლებში ასევე ჩატარდა გამოცემლობის - „Creative Angels“ ნიგნების (სამოგზაურო და ტურისტული ნამუშევრები) პრეზენტაცია.

21 აგვისტოს, კი პატარებისთვის, ფესტივალის ფარგლებში, სვანეთის ისტორიისა და ეთნოგრაფიის მუზეუმში, ჩატარდა სპეციალური პროგრამები: „სინერმას“ საბავშვო-საყვანულო ფილმების ჩვენებები



და თბილისის საერთაშორისო ანიმაციური ფესტივალის საუკეთესო საბავშვო ფილმების პროგრამა „Best of TIAF“ (თბილისის საერთაშორისო ანიმაციური ფესტივალთან თანამშრომლობით).

მესტიის საერთაშორისო მოკლემეტრაჟიანი და მთის ფილმების ფესტივალის, წელს ორი თემატიკის საკონკურსო სექციის აერთიანებდა: „მოკლემეტრაჟიანები“ და „მთის თემატიკის ფილმები“. ფესტივალზე ფილმები წარმოდგენილი იყო 21 ქვეყნიდან.

საერთაშორისო მოკლემეტრაჟიანი ფილმების საკონკურსო სექციის გამარჯვებულები გახდნენ:

**საუკეთესო მოკლემეტრაჟიანი ფილმი - "იესო ჩიტს", საქართველო, რეჟ: კლასიკური ქართული კინემატოგრაფიული ხასიათის იუმორისტული, თანამედროვე ინტერპრეტაციისთვის);** **სპეციალური პრიზი - „სამზადი-**

სი“, საქართველო, რეჟ: ილია ასიტაშვილი (ოჯახური ურთიერთობების მინამალისტური, მაგრამ ამავე დროს ძალიან ემპათიური გამოსახულებისთვის);

ფილმის განსაკუთრებული აღნიშვნა - „ესმერალდა“, მექსიკა, რეჟ: სამანტა ოროსკო კარვაიო.

მთის თემატიკის ფილმების საკონკურსო სექციის გამარჯვებულები:

**საუკეთესო მთის თემატიკის ფილმი - „დაუღვირე ჩემი ვეწერსტია“, სლოვაკეთი, რეჟ: პავოლ ბარბაში (ადამიანისა და ბუნების სულიერი კავშირის ძლევაში ისლი გამოსახულებისათვის)**

**სპეციალური პრიზი - „რკინის მთხრელი“, ნეპალი, რეჟ: ანილ ბუდა მაჰარი; (ოსტატური კინემატოგრაფიისა და რეჟისორის თემისადმი პატივისცემით სასვე დამოკიდებულებისთვის)**

**გრანპრი - „ბერგი“, ნიდერლანდები, რეჟ: ჯოჰკ ოლთარი (იშვიათი კინემატოგრაფიული შანსისთვის, კინემატოგრაფისტებთან ერთად მოახდინო მედიტაცია და შეიგრძნო მთის წმინდა და ღვთაებრივი არსი).**

მესტიის საერთაშორისო მოკლემეტრაჟიანი და მთის ფილმების ფესტივალის დიხურა ზაზა ხალვაშის ფილმის „ნამე“ სპეციალური ჩვენებით.

ფესტივალის მხარდამჭერები გახლდნენ საქართველოს კულტურის, სპორტისა და ახალგაზრდობის სამი-



ნისტრო და საქართველოს ეროვნული კინოცენტრი.

შეგახსენებთ, რომ ფესტივალის, 2021 წელს, „ქართული კინოს“ დირექტორის, ხათუნა ხუნდაძის და მესტიის კულტურისა და ხელოვნების ცენტრის ერთობლივი ინიციატივითა და მესტიის მუნიციპალიტეტის მერის მხარდაჭერით დაარსდა.

# ხიდეობის დღესასწაფი



28 აგვისტოს, კალას ადმინისტრაციულ ერთეულში „ხაღვიბის“ დღესასწაული აღინიშნა. ღონისძიება მესტიის მუნიციპალიტეტის მერის ორგანიზებით და „ხაღვიბის ფონდის“ ინიციატივით, უკვე მეორე წელია ტარ-

დება. ღონისძიებას ადგილობრივი თვითმმართველობის წარმომადგენლები და ხაღვიბის შთამომავლები ესწრებოდნენ.

მესტიის მუნიციპალიტეტის ფოლკლორულმა ანსამბლმა „რიჰო“, ხაღვიბისთვის მიძღვნილი სვანური ხალხური სიმღერით „გაულ გავხე“ - ღონისძიება ოფიციალურად გახსნა.

დამსწრე საზოგადოებას სიტყვით მიმართა ხაღვიბის მკვიდრმა, თორნიკე ვასიანიამ და მესტიის მუნიციპალიტეტის მერის მრჩეველმა კულტურის საკითხებში, ლევან კიკვიციანი.

სპეციალურად ამ ღონისძიებისთვის, ზინაიდა კვერენწილაძის სახელობის დმანისის თეატრის მიერ, ღია სცენაზე, ხაღვიბის ნანგრევებში გაცოცხლდა ხაღვიბის აჯანყების ისტორია - პიესა მოგვითხრობს სვანეთის უძველეს სოფელზე, რომელმაც როსულ ოკუპაციაზე თქვა უარი, ლავურკას ეკლესიის სინძინდზე დადებული ფიცი არ გატეხა და 1875 წლის 1 აგვისტოდან 27 აგვისტომდე, უკანას-

კნელ სისხლის წვეთამდე იბრძოლა თავისუფლებისთვის. ამის შემდეგ რუსებმა მიწასთან გაასწორეს ადამიანების გარეშე დარჩენილი ნასახლარი, ცეცხლს მისცეს კოშკებიც და საყინე მინებიც. ბრძანება გასცეს, რომ სახელი შეცვლილი და იქ არასდროს აღარავინ დასახლებულიყო.

სპექტაკლმა განსაკუთრებული ემოციები გამოიწვია მაყურებელში, შთამბეჭდილებებს ამ ისტორიის ხილულ ნანგრევებში გადმოცემა უფრო ამძაფრებდა.

ღონისძიების ფარგლებში მიმდინარეობდა ხაღვიბის აჯანყების ამსახველი ფოტო-გამოფენა, რომელმაც მაყურებლის ასევე დიდი ინტერესი გამოიწვია.

ღონისძიების დასასრულს ადგილობრივი მხარეულების მიერ ჩატარდა სვანური სამზარეულოს, მათ შორის კუბდარის ცობის მასტერკლასები.

ღონისძიება დასრულდა ანსამბლ „რიჰოს“ მიერ შესრულებული სვანური სიმღერით „ლილე“

და ქართული მრავალუამიერით. აღსანიშნავია და სასიხარულოა ის ფაქტი, რომ სოფელ ხაღვიბის წინაპართა საცხოვრებელ ადგილს 4 ოჯახი უკვე დაუბრუნდა და დანგრეული სახლები აღადგინა.



# უკველესი ქართული საგალობლის მასტერკლასი



წმ. ილარიონ ქართველის სახელობის მესტიის სკოლა-გიმნაზიაში, მონვეულმა ფოლკლორის და ვოკალის პედაგოგმა, მარინე ჩარაშვილმა, ადგილობრივი მოზარდი თაობისგან შემდგარი ანსამბლის მონაწილეობით საჩვენებელი ღონისძიება გამართა, რომელსაც მოსწავლეების მშობლები და სკოლის ადმინისტრაცია ესწრებოდნენ.

პროექტი განხორციელდა მესტიის სკოლა-გიმნაზიის დირექტორის, დეკანოზ ბასილის (ფილფანის), ინიციატივით და მესტიის მუნიციპალიტეტის მერის ფინანსური მხარდაჭერით.


ერთი თვის განმავლობაში, მონვეული მენტორი ყოველდღიურად ასწავლიდა ბავშვებს უნიკალურ და უძველეს ქართულ საგალობლებს, რომლებიც მოსწავლეებმა გასაოცრად წარმოადგინეს. ღონისძიების დასასრულს სკოლის დირექციამ

მადლობა გადაუხადა ქალბატონ მარინეს განულები შრომისთვის, ასევე მესტიის მუნიციპალიტეტის მერს, ბატონ კაპიტონ ფორთოლიანს ინიციატივის მხარდაჭერისთვის, იმისთვის რომ არასოდეს იშურებს ძალისხმევას ადგილობრივი ახალგაზრდა თაობის ფიზიკური, ინტელექტუალური თუ შემოქმედებითი განვითარებისთვის.

მარინე ჩარაშვილიმა ხაზი გაუსვა ბავშვების ნიჭიერებას, რომლებმაც დიდი მონდობით, უმოკლეს ვადაში შეისწავლეს ურთულესი საგალობლები და ეზიარნენ ფასდაუდებელ ქართული კულტურის საგანძურს. მან იმედი გამოთქვა, რომ ერთი თვის თავდაუზოგავი შრომით და-თესა ის მარცვალი, რომელიც აუცილებლად დიდ ნაყოფს გამოიხაშს.



# გამოფენა „იტალიური მახმაცხები. მთა, ადრინიზმი, კლიმატური ცვლილებები“



1 აგვისტოს, სვანეთის ისტორიისა და ეთნოგრაფიის მუზეუმის დროებით საგამოფენო დარბაზში, იტალიის საელჩოს ორგანიზებით გახსნა გამოფენა „იტალიური მარმაცხები. მთა, ალიპინიზმი, კლიმატური ცვლილებები“. გამოფენა იტალიის ელჩმა საქართველოში, ენრიკო ვალვომ გახსნა.

ღონისძიებას მესტიის მუნიციპალიტეტის მერის პირველი მოადგილე, ნელი ნავერიანი და სვანეთის ისტორიისა და ეთნოგრაფიის მუზეუმის დირექტორი, პროფესორი ზვიად კვიციანი ესწრებოდნენ.

ექსპოზიცია (კურატორი იტალიელი ფოტოგრაფი და მკვლევარი, ფაბიანო ვენტურა) იტალიის საგარეო საქმეთა და საერთაშორისო თანამშრომლობის სამინისტროსა და არაკომერციული ასოციაცია „Macromicro“-ს პროექტია, რომლის მიზანია მთასა და ალიპინიზმთან დაკავშირებული იტალიური კულტურის განზარება საერთაშორისო საზოგადოებისთვის. გამოფენა შედგება ორი ნაწილისგან („ზოგადი

შესავალი“, „იტალიის მთები“ და „სამყაროს ხედვა“), რომლებსაც თან ერთვის ისტორიული მასალა პირველი ექსპედიციების შესახებ. ეს გახლავთ დედამიწის ყველაზე მნიშვნელოვანი მთის სისტემების (ალპების, დოლომიტის, კავკასიონის, ანდების და პიმალის



მთების) ამსახველი ისტორიული და თანამედროვე ფოტოსურათების შთამბეჭდავი ექსპოზიცია, რომელიც შესანიშნავად გადმოსცემს მყინვარების მასების დნობისა და კლიმატის ცვლილების ზემოქმედებას მთის ლანდშაფტზე.

ექსპოზიცია 30 აგვისტომდე გრძელდება და დამთავლებებისთვის უფასო იქნება.

### კავკასიოლოგთა VI საერთაშორისო კონგრესი



და ეთნოგრაფიის მუზეუმის დირექტორმა, ზვიად კვიციანიამ. კონგრესის თავმჯდომარე გახლდათ ქართველი ენათმეცნიერი, თსუ-ს



25-26 აგვისტოს, სვანეთის ისტორიის და ეთნოგრაფიის მუზეუმში უმასპინძლა კავკასიოლოგთა VI საერთაშორისო კონგრესს, რომელიც საზეიმო ვითარებაში გახსნა მესტიის ფოლკლორულმა ანსამბლმა „რიჰომ“.

ლონისძიებს ესწრებოდნენ მესტიის მუნიციპალიტეტის მერი, კაპიტონ ჟორჟოლიანი, მერის პირველი მოადგილე ნელი ნავერიანი, მესტიის საკრებულოს თავმჯდომარე, მაიზერ ჯაფარიძე და საკრებულოს თავმჯდომარის მოადგილე, ზაურ ჩართოლანი.

კონგრესის მონაწილეებს და დამსწრე საზოგადოებას მისასალმებელი სიტყვით მიმართეს მესტიის მუნიციპალიტეტის მერმა და ივანე ჯავახიშვილის სახელობის თბილისის სახელმწიფო უნივერსიტეტის, ჰუმანიტარულ მეცნიერებათა ფაკულტეტის, არქეოლოგიის ინსტიტუტის ასოცირებული პროფესორმა, სვანეთის ისტორიის

სრული პროფესორი, თსუ ჰუმანიტარულ მეცნიერებათა ფაკულტეტის კავკასიოლოგიის ინსტიტუტის ხელმძღვანელი, ცირა ბარამიძე.

კონგრესის თემა გახლდათ „კავკასია - ინტერდისციპლინური კვლევები II - ენები, ხალხები, კულტურა, გენეტიკური კვლევები“. კონგრესის მიზანია გამოკვეთოს კავკასიის რეგიონის ენებისა და ხალხების კულტურულ-ცივილიზაციური კონტექსტი ისტორიულ ჭრილში ინტერდისციპლინური კვლევების შედეგების საფუძველზე; განსაზღვროს კავკასიის რეგიონის წინაშე არსებული ჰუმანიტარულ-ეკოლოგიური, პოლიტიკური და ეკონომიკური გამოწვევები; შეიმუშაოს გამომწვევათა გადასაჭრელად გასა-

ტარებელი აქტივობების სამეცნიერო საფუძვლები; განსაზღვროს კავკასიის ლინგვოკულტურული და ბიომრავალფეროვნების შენარჩუნების შესაძლებლობები.

კონგრესზე განსაკუთრებული ყურადღება დაეთმო კავკასიის მინორიტარულ ენათა სიცოცხლისუნარიანობისა და ენათა ფუნქციონირების საკითხებს; ასევე კავკასიის ხალხთა ფიზიკური ანთროპოლოგიის საკითხებს, გენეტიკური კვლევების შედეგებს და ამ კვლევათა მიმართებას არქეოლოგიურ და ლინგვისტურ კვლევებთან.

კავკასიოლოგთა VI საერთაშორისო კონგრესმა ორი დღის განმავლობაში იმუშავა სექციებად შემდეგი დარგების მიხედვით:

- ენათმეცნიერება, სოციოლინგვისტიკა (3 სექცია)
- ისტორია (2 სექცია)
- არქეოლოგია
- კულტუროლოგია, ხელოვნებათმცოდნეობა
- ეთნოლოგია
- ფოლკლორი, ლიტერატურა
- ეკოლოგია, გეოპოლიტიკა, გეოეკონომიკა
- კავკასიის ხალხთა ფიზიკური ანთროპოლოგია, გენეტიკური კვლევები.

კონგრესში მონაწილეობდნენ მეცნიერები და სპეციალისტები სხვადასხვა საერთაშორისო კავკასიოლოგიური სასწავლო-სამეცნიერო ცენტრიდან.

კონგრესის ორგანიზატორი გახლდათ ივ. ჯავახიშვილის სახელობის თბილისის სახელმწიფო უნივერსიტეტი, საქართველოს ეროვნული მუზე-



უმი და პოლონეთის მეცნიერებათა აკადემიის პოლიტიკის კვლევათა ინსტიტუტი საერთაშორისო პროექტის „მეცნიერება საზოგადოებისათვის“ ფარგლებში.

კონგრესს ფინანსური მხარდაჭერა გაუწია მესტიის მუნიციპალიტეტის მერიამ, ხოლო ღონისძიების პარტნიორი გახლდათ „საოჯახო მეღვინეობა მილდიანი“.

### მთის დღეები - 2022



მთის დღეები 2022 - მესტიაში, ჰეშვილში გაიმართა.

ფესტივალის მთელი დღის განმავლობაში ადგილობრივ მოსახლეობას, ქართველ და უცხოელ სტუმრებს, მრავალფეროვან სანახაობას სთავაზობდა.

სტუმრების დიდი ინტერესი გამოიწვია ადგილობრივი მენარმეების პროდუქციის გამოფენა-გაყიდვამ, რომელშიც მონაწილეობდნენ: სსიპ კოლეჯი „თეთნულდი“ და ააიპ „ლატლიმდ“ მათი მრავალფეროვანი პროდუქციით, სვანური საკრავების ოსტატი, ბესო ფირცხელანი, ხეზე კვეთის ოსტატები, კახა და სოზარ იოსელიანები, ნატო ნიგურიანი ხელნაკეთი ნამუშევრებით, ბე-



ჩოს თემის მცხოვრები ნიკა კვიციანი თავისი ნახატებით, კალას სკოლის მოსწავლის, მეგი პირველის ნახატები, მაკა მაყაშვილი - ხელნაკეთი გამორჩეული სამკაულებით, ემა ნავერიანი - ნამდვილი სვანური ქუდების ოსტატი, ლახამულიდან სვანური უძველესი სახეობის ყველი „ნარჩვი“ (შპს „დანილი“).

სტუმრებს შესაძლებლობა ჰქონდათ დაეგემოვნებინათ ცნობილი შეფების მიშა ავსაჯანიშვილის და რუსო დაუშვილის, საგანგებოდ „მთის დღეებისთვის“ შექმნილი, კერძები.

უდიდესი მონონება და ინტერესი დაიმსახურა, სვანური ტრადიციული სამზარეულოს კუთხემ, სადაც სვანი ქალბატონები,



ყველა სვანური წესის დაცვით ადგილზევე ამზადებდნენ ცნობილ სვანურ კერძებს: კუბდარი, სვანური ხაჭაპური, ფეტვიანი ხაჭაპური, ჭიშკვარი, ფეტვრაალი, თაშმ'ჯაბი და ა.შ.

ღონისძიების მუსიკალურ ნაწილში კი მონაწილეობდნენ: მესტიის ფოლკლორული ანსამბლი „რიჰომ“, ანსამბლი „გორდელა“, ნოდარიკო ხუციშვილის ბენდი, სალიო - SALIO.

ფესტივალის დასასრულს კი კვარტეტმა „რანინა“, საგანგებოდ დანთებულ გრანდიოზულ კოცონთან, სტუმრებისთვის და სტუმრებთან ერთად შეასრულა არაჩვეულებრივი ქართული სიმღერები.



|  |   |   |  |
|--|---|---|--|
| <p>დამფუძნებელი:<br/>მესტიის მუნიციპალიტეტის მერია<br/>მისამართი: დ. მესტია სტრის მოედანი №1</p> | <p>გაზეთი მოამზადა მესტიის მუნიციპალიტეტის მერიის ადმინისტრაციის სამსახურის საზოგადოებასთან ურთიერთობის და ინფორმაციული უზრუნველყოფის განყოფილებამ: თამარ გომთელისანი, მაია ფილფანი, ლაშა ჯაფარიძე და ხატია ნიკლაური.</p> | <p>გაზეთი აენჭო და დაკაბადონდა შ.პ.ს. გამომცემლობა „კოლორი“-ს კომპიუტერულ ცენტრში</p> | <p>ინფორმაციისთვის დაგვიკავშირდით შემდეგ ტელეფონის ნომერზე: 599 85 55 25<br/>თამარ გომთელისანი<br/>595 08 95 30 ხატია ნიკლაური<br/>ელ. ფოსტა: meriasazogadoeba@gmail.com</p> |
|--|---|---|--|